



Parlamentarna komisija odgovorna za reviziju
Parlamentarno povjerenstvo odgovorno za reviziju

Парламентарна комисија одговорна за ревизију

Broj: 04/1-02-1450/24-2
Sarajevo, 28.6.2024. godine

ČLANOVIMA PARLAMENTARNE KOMISIJE ODGOVORNE ZA REVIZIJU

Dana 25.6.2024. godine održana je 1. sjednica Parlamentarne komisije odgovorne za reviziju Parlamenta Federacije BiH (u daljem tekstu: Komisija). Sjednici Komisije prisustvovalo je 13 od ukupno 14 članova Komisije, samim tim ispunjeni su svi uslovi za punovažan rad u pogledu kvoruma i odlučivanja. Predsjednik Komisije je predložio **dnevni red** koji je jednoglasno usvojen, a koji glasi:

1. Upoznavanje sa pristiglim materijalima, te dogovor u svezi daljih aktivnosti u radu Komisije,
2. Tekuća pitanja.

Na osnovu člana 44. Poslovnika Predstavničkog doma i člana 41. Poslovnika o radu Doma naroda, a u vezi sa članom 54. Poslovnika Predstavničkog doma Parlamenta i člana 52. Poslovnika o radu Doma naroda Parlamenta Federacije BiH, Komisija podnosi sljedeći:

IZVJEŠTAJ

1. **Upoznavanje sa pristiglim materijalima, te dogovor u svezi daljih aktivnosti u radu Komisije,**

Predsjednik Komisije je upoznao članove Komisije sa Ukazom o proglašenju Odluke o izboru članova u Parlamentarnu komisiju odgovornu za reviziju ("Službene novine Federacije BiH", broj 47/24) od dana 21.6.2024. godine u kojem je proglašena Odluka o izboru članova u Parlamentarnu komisiju odgovornu za reviziju, koju je usvojio Parlament Federacije BiH na sjednici Predstavničkog doma od 28. i 29.5.2024. godine i na sjednici Doma naroda od 12.6.2024. godine.

Na osnovu člana 2. Zakona o reviziji institucija u Federaciji Bosne i Hercegovine ("Službene novine Federacije BiH", broj 22/06), člana 54. Poslovnika Predstavničkog doma Parlamenta Federacije BiH, člana 52. Poslovnika o radu Doma naroda i Odluke o obrazovanju Parlamentarne komisije odgovorne za reviziju ("Službene novine Federacije BiH", br. 53/07 i 34/10), Parlament Federacije Bosne i Hercegovine, na sjednici Predstavničkog doma Parlamenta Federacije Bosne i Hercegovine, održanoj 28. i 29.5.2024. godine i na sjednici Doma naroda Parlamenta Federacije Bosne i Hercegovine, održanoj 12.6.2024. godine, donio je Odluku o izboru članova u Parlamentarnu komisiju odgovornu za reviziju. U Parlamentarnu komisiju odgovornu za reviziju biraju se:

Iz Predstavničkog doma Parlamenta Federacije Bosne i Hercegovine:

1. Elvir Karajbić
2. Aner Žuljević
3. Mirjana Marinković-Lepić
4. Mirsad Zaimović
5. Petar Galić
6. Marijan Marjanović
7. Admir Čavalić

Iz Doma naroda Parlamenta Federacije Bosne i Hercegovine:

1. Damir Džeba
2. Dževad Hadžić
3. Tomoslav Martinović
4. Slađan Ilić
5. Tomislav Mandić
6. Vesna Saradžić
7. Muamer Zukić

Za predsjednika Parlamentarne komisije odgovorne za reviziju izabran je Damir Džeba iz Doma naroda, a za zamjenika predsjednika izabran je Elvir Karajbić iz Predstavničkog doma.

Predsjednik i zamjenik predsjednika će se na ovoj funkciji rotirati svakih šest mjeseci.

Nakon što je predsjednik Komisije pročitao Odluku o izboru članova u Parlamentarnu komisiju odgovornu za reviziju samim time je istaknuo da je Komisija kao zajedničko radno tijelo Parlamenta Federacije BiH konstituisana objavom Odluke u Službenim novinama Federacije BiH. Članovi Komisije su primili na znanje pomenutu Odluku i jednoglasno je prihvatili, te je time konstituisana Parlamentarna komisija odgovorna za reviziju oba doma Parlamenta Federacije BiH, čime su se stekli uvjeti za daljnji rad i odlučivanje.

Predsjednik Komisije je upoznao članove Komisije da Komisija svoj rad uređuje Poslovníkom o radu Parlamentarne komisije odgovorne za reviziju, te je zadužila sekretare Parlamentarne komisije odgovorne za reviziju, da za narednu sjednicu pripreme prijedlog Poslovníka o radu Parlamentarne komisije odgovorne za reviziju.

Nakon što su predsjednik i zamjenik predsjednika Komisije upoznali članove Komisije sa pristiglim izvještajima finansijske revizije javnih preduzeća, zavoda, fondova za 2021. godinu za koja nisu obavljena javna saslušanja, te izvještaje finansijske revizije korisnika Budžeta, zavoda, javnih preduzeća, fondova za 2022. godinu, i pristiglih izvještaja za 2023. godinu otvorena je diskusija u kojoj su učestvovali svi prisutni članovi Komisije. Nakon što su članovi Parlamentarne komisije odgovorne za reviziju razmotrili ovu tačku dnevnog reda i iznijeli svoje prijedloge, primjedbe i sugestije, jednoglasno su usvojili sljedeće **zaključke**:

1. Dostaviti tabelarni pregled pristiglih izvještaja,
2. Zadužuje se Sekretarijat Parlamentarne komisije odgovorne za reviziju da pripremi i elektronskim putem dostavi raspored članova po grupama za javna saslušanja svim članovima Komisije vodeći računa o tome da to bude septembar tekuće godine.

Prilikom sačinjavanja prijedlog grupa za javna saslušanja, prilikom obavljanja javnih saslušanja revidiranih subjekata treba izostaviti one koji imaju oba pozitivna mišljenja.

2. Tekuća pitanja.

Predsjednik Komisije je otvorio raspravu o drugoj tački dnevnog reda. Pod ovom tačkom dnevnog reda razgovaralo se i diskutovalo o revizorskim standardima na koje se Ured za reviziju institucija u BiH poziva prilikom sačinjavanja svojih izvještaja. Nakon što su članovi Parlamentarne komisije odgovorne za reviziju razmotrili ovu tačku dnevnog reda i iznijeli svoje prijedloge, primjedbe i sugestije, jednoglasno su usvojili sljedeći

zaključak:

Za narednu sjednicu Parlamentarne komisije odgovorne za reviziju, uputiti poziv na sjednicu predstavnicima Ureda za reviziju institucija u Federaciji BiH.

**ZAMJENIK PREDSJEDNIKA
PARLAMENTARNE KOMISIJE
ODGOVORNE ZA REVIZIJU**

Elvir Karajbić, s.r



**PREDSJEDNIK
PARLAMENTARNE KOMISIJE
ODGOVORNE ZA REVIZIJU**

Damir Džeba, v.r.

